



**Generalni konzulat Bosne i Hercegovine Č I K A G O**  
**Генерални конзулат Босне и Херцеговине Ч И К А Г О**  
**Consulate General of Bosnia and Herzegovina C H I C A G O, IL**

**UPUSTVO ZA PRIJAVU ROĐENJA DJETETA**

Na osnovu Zakona o državljanstvu Bosne i Hercegovine, državljanstvo BiH se može steći i prema porijeklu roditelja. Ukoliko je jedan ili oba roditelja državljanin BiH, djeca koja su rođena u inostranstvu mogu biti upisana u matične knjige rođenih i knjige državljana BiH, uz ispunjavanje određenih uslova. Za upisivanje djece, rođene u SAD, u matične knjige rođenih i državljana BiH, potrebno je dostaviti sljedeća dokumenta:

1. Zahtjev za prijavu rođenja djeteta,
2. Zahtjev za određivanje jedinstvenog matičnog broja JMB-3
3. Izjava roditelja za upis u matične knjige koja sadrži izjašnjenje o nacionalnoj i vjerskoj pripadnosti (ovjeriti kod notara). Ukoliko su djeca starija od 12. godina moraju i sami potpisati i popuniti Izjavu.
  - Nacionalna pripadnost prema Ustavu BiH može biti: Bošnjak, Srbin, Hrvat, Ostali (stranka sama upisuje nacionalnu pripadnost).
  - Vjerska pripadnost: katolička, pravoslavna, islamska, neopredjeljen (stranka sama upisuje vjersku pripadnost).
  - Državljanstvo može biti: BiH-RS (Bosna i Hercegovina- Republika Srpska) ili BiH-FBiH (Bosna i Hercegovina-Federacija Bosne i Hercegovine) – ovisno o tome u kojoj opštini će dijete biti upisano.
3. Originalni rodni list iz SAD (Birth Certificate/Certified Copy) – Large Form, nadovjeren "APOSTILLE" pečatom odgovarajućeg organa države koja je isti izdala (u SAD međunarodno priznato nadovjeru vrši ured Secretary of State savezne države u kojoj je dijete rođeno);
4. Prevod rodnog lista na jedan od jezika koji su u službenoj upotrebi u BiH, ovjeren od strane ovlaštenog prevodioca, takođe nadovjeren APOSTILLE pečatom;
5. Dokaz da su roditelji državljani BiH (kao dokaz državljanstva može poslužiti):
  - kopija važećeg pasoša BiH
  - kopija lične karte BiH sa obje strane
  - original rodni list i uvjerenje o državljanstvu BiH – ne starije od 6 mjeseci
6. Dostaviti kopije pasoša SAD za roditelje i dijete
7. Money order na iznos predviđen u Cjenovniku konzularnih usluga u iznosu od 82USD.

**NAPOMENA:** Prijava rođenja djeteta se radi za djecu ispod 18 godina starosti. Nakon što dijete napuni 18 godina dijete se prema zakonu BiH smatra punoljetnim i u tom slučaju se radi naknadni upis u matične knjige.

## **ODREĐIVANJE JMB ZA DRŽAVLJANE BiH KOJI BORAVE U INOSTRANSTVU**

Za lica koja su upisana u matičnu knjigu rođenih u BiH, a nemaju određen jedinstveni matični broj (JMB) potrebno je dostaviti:

1. štampanim slovima čitko popunjen i potpisan obrazac zahtjeva za određivanje JMB-3;
2. **originalni** Izvod iz matične knjige rođenih iz BiH (ne stariji od šest mjeseci) ;
3. **originalno** Uvjerenje o državljanstvu BiH (ne starije od 6 mjeseci) ;
4. Money Order na iznos predviđen u Cjenovniku konzularnih usluga.

**NAPOMENA:** Zahtjevi koji nisu kompletirani na ovaj način neće se uzeti u obradu i biće vraćeni podnosiocu.